

# Bibël për fëmijët paraqet

## Njeriu i Pasur, Njeriu i varfër



Shkruar nga: Edward Hughes  
Ilustruar nga: M. Maillot; Lazarus

Përkthyer nga: Arianit Iljazi  
Adaptuar nga: M. Maillot; Sarah S.

Tregimi 44 nga 60

[www.M1914.org](http://www.M1914.org)

*Bible for Children, PO Box 3, Winnipeg, MB R3C 2G1 Canada*

E drejta e kopjimit: Mund të bëni kopje ose ta shtypni këtë histori, nëse nuk do ta shitni.

Shqip

Albanian

Jezusi, e dinte që shumë nga drejtuesit fetarë, donin paratë më shumë se Perëndinë. Ai u tregoi se çfarë i ndodhi dy njerëzve, dhe përse nuk ia vlen të kesh pasuri pa Perëndinë. Pasuritë nuk mund të blejnë jetën me Perëndinë në Parajsë.



Ishte një njeri i pasur, i cili kishte rroba të bukura dhe të kushtueshme. Ai vishej si një mbret.




Njeriu i pasur hante gjithashtu shumë dhe mirë. Çdo vakt ishte si një festë e madhe. Ai kishte kaq shumë para, saqë ai mund të blinte për të ngrënë çfarë t'ia kishte qejfi për mëngjes, drekë ose darkë - ose edhe për zamër.



3

Tek dera e njeriut të pasur qëndronte një lypsar i varfër, i sëmurë dhe duke vdekur urie. Emri i tij ishte Llazar.



4

Llazari i shkretë ishte plot me plagë. Ai mund të kishte shumë sëmundje. Ai mund të kishte të çara dhe të nxira nga njerëz që ishin sjellë keq me të. Mbase ai kishte plagë në trup, ngaqë ai nuk hante ushqime me vlera si: qumësht, perime ose mish.



5

Llazarit, ia kishte ënda të hante ushqim. Ai, do të ishte kënaqur shumë edhe vetëm me thërrimet që binin nga tryeza e njeriut të pasur.



6

Qentë e rrugës disa herë preknin trupin e lypsarit të varfër e të pashpresë. Ata nuhasnin rreth e qark dhe i lëpinin plagët. Dukej sikur askush nuk donte t'ia dinte që Llazar po vdiste urie.



7

Një mëngjes, Llazar nuk u zgjua. Lypsari i uritur, i shkretë dhe pa miq ishte larguar nga kjo jetë. Llazar kishte vdekur.



8

Por lumturia filloi për Llazarin në çastin që ai vdiq. Jezusi tha se engjëjt e mbartën atë në gjirin e Abrahamit. Llazari ishte ngushëlluar nga Perëndia.



9

Edhe njeriu i pasur vdiq pas ca kohe. Të gjitha paratë e tij nuk mundën t'ia shpëtojnë jetën. Kur vdekja vjen, asnjëri nuk mund ta ndalojë.



10

Njeriu i pasur u varros. Mbase ishte një funeral shumë i madh. Mbase njerëzit i thurën lavde njeriut të pasur, duke thënë se ishte i zgjuar dhe i sukseshëm.



11

Por lavdërimet e tyre nuk e ndihmuan dot atë. Njeriu i pasur kishte shkuar në Ferr.



12

Në Ferr, njeriu i pasur bërtiti, "O atë Abraham, dërgo Llazarin që të ngjyëjë me ujë majën e gishtit të tij, dhe të freskojë gjuhën time; sepse po torturohem tmerrësisht në këtë zjarr".



13

"Në tokë ti kishe gjithçka, ndërsa Llazari nuk kishte asgjë", e kujtoi Abrahami njeriun e pasur. "Tani Llazari ngushëllohet dhe ti vuan tmerrësisht. Asnjëri nuk e kalon dot humnerën e madhe ndërmjet teje dhe nesh".



14

"Dërgo Lazarin të paralajmërojë pesë vëllezërit e mi", u lut njeriu i pasur. "Unë nuk dua, që edhe ata të përfundojnë në këtë vend vuajtjesh".



15

"Vëllezërit e tu kanë Fjalën e Perëndisë", u përgjigj Abrahami.



16

Nëse pesë vëllezërit e tij nuk do ti besonin Biblës, ata nuk do të besonin edhe sikur Llazarin të ngjallej prej së vdekurish.



17

Kur Jezusi mbaroi historinë e njeriut të pasur dhe Llazarit, mbase drejtuesit fetarë pyesnin veten. "A dua unë më shumë pasuritë, sesa Perëndinë"? Tani ata e dinin se çfarë do tu ndodhte nëse ata nuk zbatonin Fjalën e Perëndisë.



18

Njeriu i Pasur, Njeriu i varfër

Një tregim nga Fjala e Perëndisë, Bibla

e marrë nga

Llukës 16

"Zbulimi i fjalëve të tua ndriçon dhe u jep mendje njerëzve të thjeshtë."

Psalmet 119:130

Perëndia e di që ne kemi bërë gjëra të këqija, të cilat Ai i quan mëkate. Denimi për mëkatin është vdekja.

Perëndia na don neve aq shume sa që dërgoi Birin e Tij, Jezusin, që të vdes në Kryq dhe të paguaj dënimin tonë. Pastaj Jezusi u ringjall dhe u ngrit lartë në Qiell.

Nëse ti do që të pendohesh, thuaja këtë Perëndisë: Perëndi i dashur, unë besoj në Jezusin që vdiq për mua dhe jeton. Të lutem eja në jetën time dhe m'i fal mëkatet, në mënyrë që të kem jetën e re. Dhe që të jem me Ty përgjithmonë. Më ndihmo që të jetoj për Ty si fëmija i Yt. Amen. Gjoni 3:16

**Lexo Biblën dhe fol me Perëndinë çdo ditë!**

